


Návt tun tiilááh Kela sajanmáksám taaksi



Kela sajanmáksá tiervâsvuotâhuolâttâsân rahtum maadhijđ, jis mätki lii rahtum puácuvuodâ, čuávjum tâi šoddâdem tiet. Táválávt mätki sajanmáksoo hälbimus mađhâšemvyevi mielđ. Tun puávtáh finniđ sajanmáávsu taksimááđhist, jis tun jieđ tuu tiervâsvuotâtile tiet paste kevttiđ almoliđ fiávruid teikâ jis almoliđ fiávruđ iä lah kevttimnáál.

1 Tiiláá taaksi numerist 0800 414 610 (Taksi Helsinki Oy) tâi 0800 051 54 (Suomen Lähilogistiikka Oy) tâi njuolgist sâmielâlii vyeijest.

Tun puávtáh finniđ sajanmáávsu tuš tain numerijn tâi sâmielâlii vyeijest tiilájum mááđhist. Tiilâmsuáittu lii mávsuttem.

- Tiiláá taaksi majemustáá mááđhi tađe oovdeb peeivi tme 14 räi.
- Tiiláá taaksi taan numerist meid talle, ko tun tarbâšah taaksi kivkked.
- Tun puávtáh tiiláđ siämmáá tove puoh tuu tiäđust orroo moonnâm- já maccâmsáátuid puáttee 2 oho várás.
- Tiiláá maccâmsáátu ucemustáá 1 tijme ovdil vyeigimääigi, jis maccâmmááđhi äigi lii tiäđust.

2 Almoot suáitu ohtâvuodâst

- tuu noomâ já persovntubdâlduv
- čujottâs, kost auto viäžžá tuu
- mááđhi čuosâttuv (om. pyecceeviäsu)
- tijmeääigi, kuás tun koolgah leđe tipšo-ohtâduvâst
- puátá-uv tuu fáárun išeniävuid teikâ läidejeijee
- išetáárbuid, jis ovdâmerkkân tun halijdah, ete vyeijee viäžžá tuu viäsu siste teikkâ läidee siisâ räi.
- puhelinnummeer, mast tuu juksá.

Tiätu išetáárbust puáhtoo vuorkkiđ äššigâstiättun tuu puáttee maadhijđ várás.

3 Tun finnih tiädu auto arvâlum puáttimääigist.

Tun finnih, jis halijdah, meid tekstâsaaváin tiädu, ko vyeijee lii tuhhiittâm tiilám já vyeijee puhelinnummeer. Taksi kalga puáttiđ 15 miinut siste sooppum viežžâmääigist. Jis taksi ij puádi, suáiti ton tiilámsirdemkuávdázân, kost tiilájih taaksi. Tiilámsirdemkuávdáš kalga ornid tunjin sajanpuáttee sáátu.

4 Almoot nubástusâin.

Jis tuu tiilám taksimáatkán šaddeh nubástusah, te almoot tain tállân tiilámnumerân. Majemustáá nubástusâin kalga almottiđ 2 tijme ovdil soppum vyeigimääigi.

5 Čääiti vyeijei tuu Kela-koortâ tâi persovntuodâštus.

Tun máávsáh taksimááđhist enâmustáá 25 euro jiešvástádâs.

6 Pivde Tuodâštus mätkisajanmáávsu várás (SV 67)

- Jis tun tarbâšah taaksi tuu tiervâsvuotâtile tiet, te pivde tast tuodâštus tiervâsvuotâhuolâttâsâst (Todistus matkakorvausta varten, SV 67).
 - Siäilut oovtâ määđhi várás čallum tuodâštus alnees 6 mánuppaje ääigi mätkipeeivi ráájist. Kela puáhtá pivdeđ tom mañeláá.
 - Tooimât Kelan tuodâštus, mii addel kuhesáigásii vuoigâdvuodâ taaksi kiävtun.
- Jis tiervâsvuotâhuolâttâs ovdâsteijee tiiláá maccâmsáátu tuu peelest, te tun jieš taarbâš sierâ tuodâštus.

